



Broj: 05-4231-10/21  
Sarajevo, 19.01.2022. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačke n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), člana 69. stav (3) i člana 70. stav (4) Zakona o javnim nabavkama („Službeni glasnik BiH“, broj: 39/14) direktor Agencije za bankarstvo Federacije BiH donosi

## **ODLUKU**

### **o otkazivanju postupka javne nabavke roba**

#### **I**

Otkazuje se postupak javne nabavke roba za nabavku uredske računarske opreme za potrebe Agencije za bankarstvo Federacije BiH (u daljem tekstu: Agencija), br. 05-4231/21, zbog drugih dokazivih razloga koji su izvan kontrole Agencije a koji se nisu mogli predvidjeti u vrijeme pokretanja postupka javne nabavke.

#### **II**

Ovom odlukom stavlja se van snage Odluka o izboru najpovoljnijeg ponuđača, br. 05-4231-7/21 od 02.12.2021. godine, kojom je ugovor dodijeljen najpovoljnijem ponuđaču „Rebus“ d.o.o. Sarajevo, te se zaključeni Ugovor o nabavci uredske računarske opreme broj 05-4231-8/21 smatra apsolutno ništavim.

#### **III**

Ova Odluka stupa na snagu danom donošenja i bit će objavljena na internetskoj stranici Agencije za bankarstvo Federacije BiH [www.fba.ba](http://www.fba.ba), istovremeno sa upućivanjem iste ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

#### **IV**

Za izvršenje ove odluke zadužuje se Odjel za opće i kadrovske poslove pri Sektoru zajedničkih funkcija.

### **O b r a z l o ž e n j e**

Odlukom o pokretanju postupka javne nabavke uredske računarske opreme, broj: 05-4231/21 od 13.10.2021. godine, odobreno je provođenje postupka javne nabavke predmetnih roba za potrebe Agencije. Javna nabavka provedena je putem otvorenog postupka, a kao kriterij za izbor najpovoljnije ponude odabrana je najniža cijena tehnički prihvatljive ponude.

Komisija je nakon provedenog postupka javne nabavke dala preporuku da se ponuđaču „Rebus“ d.o.o. Sarajevo, saglasno članu 69. stav (1) tačka a) Zakona o javnim nabavkama, dodijeli ugovor u predmetnom postupku javne nabavke roba, te je na osnovu iste donesena Odluka o izboru najpovoljnijeg ponuđača broj 05-42317/21 od 02.12.2021.godine. Temeljem ove odluke sa izabranim ponuđačem „Rebus“ d.o.o. Sarajevo zaključen je Ugovor o nabavci uredske računarske opreme.

Ugovor o nabavci uredske računarske opreme, broj Agencije: 05-4231-8/21, obostrano je potpisan 28.12.2021.godine i vraćen Agenciji istog dana. U članu 6. stav 2) je definisano da je obaveza Dobavljača da u roku od 10 (deset) dana od dana zaključivanja/obostranog potpisivanja ugovora dostavi garanciju za uredno izvršenje ugovora u obliku безусловne bankarske garancije u iznosu od 10 % od vrijednosti ugovora, s klauzulom plativo na prvi pisani poziv korisnika garancije i bez prava prigovora, s rokom važnosti: rok izvršenja ugovornih obaveza + 30 dana, u skladu sa zahtjevom iz tenderske dokumentacije.

Obzirom da je ponuđač „Rebus“ d.o.o. Sarajevo garanciju za uredno izvršenje ugovora dostavio na protokol ugovornog organa dana 14.01.2022.godine, tj. sa zakašnjenjem od 7 dana, to ista ne može biti prihvaćena uvažavajući član 72. stav (4) kojim je propisano da ukoliko izabrani ponuđač ne dostavi garanciju za uredno izvršenje ugovora u ostavljenom roku, nakon zaključivanja ugovora, zaključeni ugovor se smatra apsolutno ništavim.

Uvažavajući sve navedeno, primjenom člana 72. stav (4) Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

**DIREKTOR**  
**Jasmin Mahmuzić**

Dostaviti:

1. Ponuđaču u postupku;
2. a.a.

